



11. september 2020

UKA 2020/59

Inatsisartut ingerlatsinermut maleruagassaani § 36 tunngavigalugu apeqquteqaat aallaavigalugu oqallissatut una siunnersuutigaarput:

**Apeqquteqaat aallaavigalugu oqallissatut siunnersuut, qanoq ililluta inuiaqatigiit  
Peqqinnissaqarfimmut ataqqinninnerisa aamma akisussaaffeigarnerisa pitsanngortissinnaaneripput  
aammalu aningaasaatitta annertunerusumik peqqinnerulertermk kinguneqartissinnaanerigut.**

(Demokraatit Inatsisartuni gruppia)

Demokraatinut pingaaruinnartuuvoq, inuit tamarmik assigiimmik akeqanngitsumillu pisortat peqqinnissaqarfiannut saaffiginnissinnaanerat. Imaalinngisaannassaaq, nakorsamik pisariaqartitsinermut apeqqutaalissasoq, kina aningaasaateqarnerunersoq.

Peqqinnissaqarfik pitsaasoq ingerlalluartorlu atugarissaarnissamut qitiuvoq, taannalu pingartillugu akissaqartittuagassarput. Taamaattumik Demokraatit nuannaarutigaat, uani inersuarmi isumaqatigiissimagatta Sundhedskommissionimik pilersitsissalluta, siunissami peqqinnissaqarfiup qanoq ilusilorsornissaanut, innersuussisartussamik.

Imaanngilarli, peqqinnissap oqaluuserinera unitsissagipput kommissionimik pilersitsinerinnarput pillugu. Akeerlianilli pingaartuuvoq, oqaluuseriuassagipput imatut, atugarissaarnissamut aqqutip pingaaqisup eqqummaariffiguarnissaa.

Nuanneqaaq oqassalluni, nakorsiarneq akeqanngitsoq. Ilumoorsinnaavormi, kaasarfitsinniit akiliisussaannginnatta. Kisiannili akileraarut aqqutigalugu Peqqinnissaqarfimmut akiliisarpugut. 2019-imut aningaasartuutissanut inatsimmi Peqqinnissaqarfimmut<sup>1</sup> ingerlatsinermut aningaasartuutinut 1,5 milliarder koruuningajaat missigersuutigineqarsimapput. Imatut paasillugu, maani nunami innuttaasooq – naalungiarsummiit soraarnermut ukioqqortunerpaamut – agguaqatigiisillugu ukiumut 27.000 koruuninik Peqqinnissaqarfimmut tapersiisartut.

Soorlu oqaatigineqareersoq Demokraatinut pingaartuuvoq, tamatta akeqanngitsumik assigiimmillu Peqqinnissaqarfimmut atuisinnaasariaqartugut, uagutsinnulli aamma pingaartuuvoq, ataasiakkaarluta Peqqinnissaqarfimmut annertunerusumik akisussaassuseqarnissarput, taamaaliornikkut qulakkiissagatsigut, aningaasarpassuit pitsaasumik sunniuteqarluartumillu atorneqarnissaat.

Assersuutigalugu akulikitsumik takusarparput, inuit nakorsiarfissaminnik inniminniisimasut agginngitsoortarnerat. Tamanna piffissamik aningaasanillu atuilussinnarneruvoq. Tassani immaqa isumassarsiatsialaasinnaavoq agginngitsoortunut takussutissaannarmik akiliisitsisarneq eqqukaanni.

---

<sup>1</sup> Aningaasaqarnermut Inatsit 2019



Akiliutissaq assersuutigalugu 200 koruuniusinnaavoq. Isumaqpugut, tamassuma kingunerissagaa, inuit annertunerusumik aggernissarnik eqqaamanerulissagaat.

Taamaaliornerup aamma kingunerisassaata ilagaat, inuit ataasiakkaat akisussaaffeqarnermik eqqummaariffeqarnerulernerat tassungalu ilutigalugu Peqqinnissaqarfiup sunniuteqarnerulernerera.

Taakkulu saniatigut isumassarsiatsialasinnaavoq, arlaatigut erseqqissarsinnaagaanni, passutsinneq ataaseq qanoq akeqarnera. Assersuutigalugu isertugaanngilaq, maani nunatsinni naartuersittorpassuaqartarmat, ajoraluartumillu aamma amerlasoorujussuit, ataasiaannaratik naartuersittarmata.

Demokraatit arnat timiminnik namminneq aaliangersinnaanerat illersortuassavaat, naartuersinnerullu akeqartilernissaanik isumaqataangisaannassalluni. Isumaqpugulli, pinaveersaartitsinerusinnaasoq, Peqqinnissaqarfiup ammasumik oqaatigisarpassuk, naartuersinnerup inuiaqtigiiinnut qanoq akeqarnera. Immaqa kinguneqarsinnaasoq, inuit ataasiakkaat akisussaaffimmik annertunermik tigusinerat aammalu kissaatiginggisamik naartulernissamut illersornissaat. Peqqinnissaqarfimmut sipaarniaannarani – kisiannili arnat ataasiakkaat, naartuersinnerup kingunerikkajutaanik tarnikkut kingunerlutsitsinissaannik illersorniarlugit.

Uuma oqallisssasut siunnersuutip annerpaamik siunertaraa soorlu oqaatigineqareersutut oqallisigineqassasoq, qanoq ililluta Peqqinnissaqarfitsinnut inuit ataasiakkaat akisussaanerulernissaat anguniarsinnaaneripput aningaasallu atortakkatta peqqinnissamut iluaqutaanerulernissaat. Demokraatit tigussaasunik isummanik taakkartuipput, ammaffigaarpullu taakku eqqartorneqarnissaat, aammalu tassunga attuumassutillit eqqartorneqarnissaannut ammalluta.

Taamatut oqarluta pissuserissumik pissarsiffiulluartumillu oqallinnissatsinnik kissaateqarpunga.